

DEPARTEMENT VAN OMGEWINGSAKE EN ONTWIKKELINGSBEPLANNING
NATIONAL ENVIRONMENTAL MANAGEMENT: PROTECTED AREAS ACT, 2003
(WET 57 VAN 2003)
KENNISGEWING VAN VOORNEME OM GEBIEDE AS DEEL VAN BESTAANDE
GROOTBOS PRIVAAT NATUURRESERVAAT TE VERKLAAR

Die Provinsiale Minister van Plaaslike Regering, Omgewingsake en Ontwikkelingsbeplanning in die Wes-Kaap (die Provinsiale Minister)—

(a) gee ingevolge artikel 33(1)(a) van die *National Environmental Management: Protected Areas Act, 2003* (Wet 57 van 2003) (die Wet), kennis van sy voorneme om kragtens artikel 23(1)(a)(ii) van die Wet die volgende gebiede (die beoogde bykomende gebiede) as deel van die bestaande Grootbos Privaat Natuurreservaat (die bestaande natuurreservaat) te verklaar:

- (i) Plaas Nr. 919, geleë in die Overstrand-munisipaliteit, Afdeling Caledon, Provinsie Wes-Kaap; groot: 241, 0302 (Tweehonderd Een-en-Veertig komma Nul Drie Nul Twee) hektaar; gehou kragtens Transportakte Nr. T40736/2005;
- (ii) Restant van Gedeelte 14 (Vyge Rug) ('n gedeelte van Gedeelte 3) van die Plaas Bavians Fonteyn Nr. 703, geleë in die Overstrand-munisipaliteit, Afdeling Caledon, Provinsie Wes-Kaap; groot: 258, 4755 (Tweehonderd Agt-en-Vyftig komma Vier Sewe Vyf Vyf) hektaar; gehou kragtens Transportakte Nr. T5231/1996;
- (iii) Restant van Gedeelte 3 van die Plaas Bavians Fonteyn Nr. 703, geleë in die Overstrand-munisipaliteit, Afdeling Caledon, Provinsie Wes-Kaap; groot: 277, 7619 (Tweehonderd Sewe-en-Sewentig komma Sewe Ses Een Nege) hektaar; gehou kragtens Transportakte Nr. T88353/1995;
- (iv) Restant van Gedeelte 3 (Platrug) van die Plaas De Platte Rugt Nr. 692, geleë in die Overstrand-munisipaliteit, Afdeling Caledon, Provinsie Wes-Kaap; groot: 409, 3013 (Vierhonderd en Nege komma Drie Nul Een Drie) hektaar; gehou kragtens Transportakte Nr. T37258/1997;
- (v) Gedeelte 8 (Steynsbos) ('n gedeelte van Gedeelte 3) van die Plaas De Platte Rugt Nr. 692, geleë in die Overstrand-munisipaliteit, Afdeling Caledon, Provinsie Wes-Kaap; groot: 409, 3010 (Vierhonderd en Nege komma Drie Nul Een Nul) hektaar; gehou kragtens Transportakte Nr. T116480/2003;

- (vi) Restant van Gedeelte 1 van die Plaas Helderfontein Nr. 688, geleë in die Overstrand-munisipaliteit, Afdeling Caledon, Provinsie Wes-Kaap; groot: 755, 7751 (Sewehonderd Vyf-en-Vyftig komma Sewe Sewe Vyf Een) hektaar; gehou kragtens Transportakte Nr. T13319/2010;
- (vii) Gedeelte 5 ('n gedeelte van Gedeelte 1) van die Plaas Helderfontein Nr. 688, geleë in die Overstrand-munisipaliteit, Afdeling Caledon, Provinsie Wes-Kaap; groot: 88, 0452 (Agt-en-Tagtig komma Nul Vier Vyf Twee) hektaar; gehou kragtens Transportakte Nr. T13898/2016, waarvan die grense weergegee word op die kaart uiteengesit in die Bylae;
- (b) gee kennis dat die bestaande natuurreservaat en die beoogde bykomende gebiede ongeveer 15 km suid van Stanford en 35 km van Hermanus in die Overberg-streek geleë is, soos aangedui op die kaart in die Bylae;
- (c) gee kennis dat CapeNature die beoogde bykomende gebiede geëvalueer het, en dit blyk uit hierdie evaluering dat die beoogde bykomende gebiede oor verskeie eienskappe beskik wat hulle geskik maak vir verklaring as deel van 'n bestaande natuurreservaat;
- (d) gee kennis dat die beoogde optrede bedoel in paragraaf (a) die vereistes van artikel 23(2)(b)(i), (ii) en (iii) van die Wet nakom, aangesien dit daarop gemik is om die beoogde bykomende gebiede te beskerm, wat kenmerkende natuurlike eienskappe of biodiversiteit bevat, van wetenskaplike, kulturele, historiese of argeologiese belang is, en langtermyn beskerming benodig vir die instandhouding van sy biodiversiteit of vir die voorsiening van omgewingsgoedere en -dienste;
- (e) gee kennis dat die inhoud van die Bylae en besonderhede van die evaluering bedoel in paragraaf (c) by <https://www.capenature.co.za/protected-areas-and-stewardship> gevind kan word;
- (f) gee kennis dat die Provinsiale Minister nie, op hierdie stadium, bewus is van enige potensiële regte of belange van die plaaslike gemeenskap, of belanghebbendes uitgesonderd die eienaar van die bestaande natuurreservaat en die beoogde bykomende gebiede, wat deur die beoogde optrede bedoel in paragraaf (a) geraak kan word nie;
- (g) nooi lede van die publiek om, binne 60 dae vanaf die datum van publikasie van hierdie kennisgewing in die *Provinsiale Koerant*, skriftelike vertoë oor of besware

teen die beoogde optrede bedoel in paragraaf (a) by die Provinsiale Minister in te dien deur—

- (i) die vertoë of besware te pos aan:

Dr Ashley Naidoo
Die Hoof- Uitvoerende Beamppte
Aandag: Me K Reid
CapeNature
Privaat Sak X29
Gatesville 7766;

- (ii) die vertoë of besware af te lewer by:

Me K Reid
Regsadviseur
CapeNature
Hv Bosduif- en Volstruisstraat
Bridgetown
Athlone; of

- (iii) die vertoë of besware per e-pos te stuur na:

kreid@capenature.co.za; en

- (h) nooi belanghebbende of geaffekteerde persone uit om, in toepaslike omstandighede, binne die tydperk beoog in paragraaf (g), mondelinge vertoë of besware voor te lê aan die Provinsiale Minister of 'n persoon deur die Provinsiale Minister aangewys.

Skriftelike vertoë of besware wat ontvang word, of mondelinge vertoë of besware wat voorgelê word, ná die sluitingsdatum kan buite rekening gelaat word.

Navrae kan gerig word aan me Kaylin Reid by 087 087 4102.

KAART

(Paragrawe (a) en (b))

